

Naalakkersuisut oqartussaaffiit nunatsinnut angerlaassassarineqarsinnaasut ilanngus-saq 1-imi allassimasut Namminersorlutik Oqartussat inatsisaani allassimasuni suliassa-qarfiit pineqartut pillugit Naalakkersuisut nalunaarusioqqullugit peqquneqarnis-saanik Inatsisartuni aalajangiiffigisassatut siunnersuut. :Nalunaarusiaq, kingusinner-paamik UPA2018-imi Inatsisartunut saqqummiunneqartussanngortitassaq, suliassaqar-fiit ataasiakkaani tamani tulliuttunik nalunaarsuiffiussapput:

- a. Suliassaqarfiup ingerlanneranut ullumikkut Naalagaaffimmut qanoq akeqarpa, Kalaallit Nunaannullu qanoq akeqassava illersorsinnaasumik suliassaqarfik ingerlatissappagu?**
- b. Suliassat ingerlannissaani piginnaasat suut eqquutsinneqassappat, Kalaallit Nu-naanni Namminersorlutik Oqartussat suliassaqarfik ingerlanneqartumik iller-sorneqarsinnaasumik ingerlatsissaguni?**
- c. Iluqutigineqartussat akornutaasinnaasullu suliassaqarfiit ingerlanneqartut an-gerlaannerini suut kingunerissavai?**
- d. Suliassaqarfiit ingerlanneqartut angerlaannissaanni suliassat piffissami sivi-kitsup iluani, piffissami akunnattup iluani imaluunniit piffissap sivisuup ingerla-nerani sularineqarlutik tullerriaarneqarnissai Naalakkersuisunit ingerlanneqar-tussaasorivaat?**

(Inatsisartunut ilaasortaq Aqqaluaq B Egede, Inuit Ataqtigiit)

Akissuteqaat

(Naalakkersuisut Siulittaasuat)

Aappassaaneerneqarnera

Aallarniutigalugu Inatsisinut Ataatsimiititaliaq Naalakkersuisut sinnerlugit qutsavigissavara isumaliutissiissummik suliqaarsimanagera pillugu.

Naalakkersuisut maluginiarpaat ataatsimiititaliaq isumaqatigiissup aalajangiiffissatut siun-nersuut akuersissutigineqassasoq innersuussutigimmassuk.

Naalakkersuisut nassuiaat, tamanna ajornanngippat 2017-imi ukiakkut ataatsimiinnermi si-usinneruskulluunniit Inatsisartunut saqqummiutissagaat, ataatsimiititaliamit kaammatt-uuqutiginartoq, Naalakkersuisunit tusaatissatut tiginartoq.

Nassuiaat 2017-imi ukiakkut ataatsimiinnermi saqqummiunneqarsinnaanera Naalakkersui-sunit annguniarneqassaaq, kisiannili nassuiaasiornermut atugassatut paasissutissat pillugit naalagaaffimmi oqartussaasunik suleqateqarnissaq pisariaqartinneqartussaavoq. Taamaalilluni imm. a aamma imm. b-ip ilaannut akissuteqaateqarnissamut naalagaaffimmi oqartussaasunit ilassutissanik piniar-toqartussaassaaq. Naalakkersuisut nassuiaasiaanni ataatsimoortumi paa-sissutissat taakkua taamatullu Naalakkersuisut nammineerlutik misissueqqissaarneri naliler-suinerilu, tunngavigineqartussaassapput. Tassani ataatsimut isigalugu suliqaarneq piffissartor-nangaatsiarloq pineqarpoq.

Taamatut oqaaseqarlunga Naalakkersuisut sinnerlugit siunnersuut akuerineqarnissaanut taper-siivunga.